



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Epitome I. Alvarez De Paz In omnes libros De Vita Spirituali Eiusque Perfectione**

**Álvarez de Paz, Jacobo**

**Antverpiæ, 1620**

Reu. admodum in Christo Patriac Dom. Domino, Adriano Stalpart Abbati  
Tongerloensi Ordinis Præmonstratensis.

[urn:nbn:de:hbz:466:1-49057](https://nbn-resolving.org/urn:nbn:de:hbz:466:1-49057)

Reu. admodum in Christo  
PATRIAC DOM. DOMINO,  
ADRIANO STALPART  
ABBATI TONGERLOENSI  
Ordinis Præmonstratensis.

**R** I A esse plausi-  
bilem latamq; vir-  
tutis semitam infi-  
stentiū genera, cui-  
tis notius est, Anti-  
stes clarissime, quàm vt pluribus  
apud te rei huius doctore peritissimum,  
verbis opus sit ostēdere.  
Quemadmodū enim in qualibet  
arte ac scientia, etiam obscurissima,  
sic & in arte omnium ar-  
tium præstantissima, arte in-  
quam amandi Deum, virtutisq;  
ā z studio,



EPISTOLA

studio, quosdam videre est incipientes, ac velut eiusdem candidatos, & ceu pueros tenellos humi quodammodo repentes, sæpenumero impingentes, & exsurgere in pedes molientes; alios deinde, primoribus difficultatibus, ac spinosis in limine tricis superatis, animosiores, proficētes, indies magis ac magis adolescere, firmare lacertos, ardua perfringere, periculis vltro se induere, hostilibus insultibus intrepidus caput obiectare, ipsum quin etiam hostem, tot nonnisi de pumilionibus relatis victorijis turgidum, in certamen & arenam prouocare, ac generosè lacescere. Videas denique & alios, frequentibus coronatos laureis



DEDICATORIA.

laureis, tropeis de aduersario infernali excitatis illustres, adeò non minis vllis, periculisque deterreri, difficultates in solito virtutum exercitio persentiscere, vel defatigatos ignauescere aut debilitari, vt molestiarũ amarities & absynthium in melleum ipsis saporem iam transierit, & bene operandi facilitatem quandam ceu naturalem & ingenitam sibi compararint; demum, nec sola sui ipsorum salute contenti, etiam alios ad eandem omnibus viribus ac neruis qua possint, infrendente licet cacodæmone, pertrahere allaborent. Huc qui peruenerint, in perfectorum eos classem referimus, hos perfectos dicere possumus.

ã 3 quam-



EPISTOLA

quamquam non omni ex parte,  
 & omnibus vnde vndiq; nume-  
 ris absolutos. Quis enim huius-  
 modi in mortali ac fragili hac  
 vita mihi hominem præstet?  
 cum talis non nisi in Deum ter-  
 maximum, Ens illud absolutif-  
 simum, cadat perfectio? Nam,  
 vt sapienter monet Bernardus:  
*Nemo perfectus est qui perfectior*  
*esse non appetit.* Illos tamen inter  
 homines hoc verè donare pos-  
 sum nomine, qui insignes quos-  
 dam & incomparabiles in virtu-  
 tibus, præsertim humilitate &  
 charitate, fecerunt progressus.  
 Non igitur in gratijs à Patre lu-  
 minum gratis datis, & miracu-  
 lorum & prodigiosorum effe-  
 ctuum patratiōe, non in sub-  
 limi oratione & contemplatio-  
 ne;

*Epist.*  
*34. ad*  
*Drogon.*



DEDICATORIA.

ne; non in magna, tametsi alio-  
 quin cælitus infusa, scientia,  
 qualis in Salomone fuit morta-  
 lium sapientissimo; non etiam  
 in status perfectione, etsi is Vir-  
 ginalis, Episcopalis, Pastoralis  
 ac Religiosus; non denique in  
 seuerioris disciplinæ obseruan-  
 tia perfectio consistit. Quam-  
 quam hæc magna sint ad sancti-  
 tatem, id est, charitatem præsi-  
 dia, sicut etiam miracula ma-  
 gna illius indicia; de quibus  
 Redemptor ait: *Verum tamen* Luc. 10.  
*in hoc nolite gaudere, quia spiritus*  
*subiiciuntur vobis: tamen illa, vt* Hom.  
*dixi, ferè sanctitatē, teste D. Gre-* 29. in  
*gorio, ostēdūt nō faciūt. Sita igi-* Euang.  
*tur perfectio in charitate Dei &* Rom. 13  
*proximi. Etenim plenitudo legis*  
*est dilectio. Hinc perfectus facit*

ā 4 cum



EPISTOLA

cum Dauide omnes voluntates diuinas, & omnibus potentijs adherere Deo nititur. Intellectum enim captiuat in obsequium fidei: memoria quoque presentem eum habet, voluntate denique in omnibus creaturis eum diligendo illi adheret: non loquitur nisi sermones Dei, non administrat nisi ex virtute quam administrat Deus. Ex omnibus quæ videt, audit, gustat, sentit, in Deum assurgit, omnesque ad eum adducere conatur; & quia nouit separare pretiosum à vili, ita amat creata, vt per ea in potentias Domini procreantis introëat.

Perfectio itaque vera quædam est sapiëntia, qua & homo Deum agno-



DEDICATORIA.

agnoscit, & simul seipsum & humana atque diuina iura non tantum nouit, sed etiam quoad potest, exequitur. Ipsa drachma illa Euangelica, quam amissam Luc. 13. mulier accensa conquirat lucerna, donec inueniat; drachma inquam signata Dei imagine: quia perfectio quædam Dei est similitudo. Ipsa pretiosa margarita, Math. 13. quam cognitam diligens attentusque negotiator diuenditis omnibus facultatibus coëmit. Ipsa denique regnum Dei, quod quotidie in Dominica dari nobis petimus oratione. Non enim est regnum Dei esca & potus, sed iustitia & pax in Spiritu Rom. 14 Sancto; regnum inquam, per quod in nobis rex ille supremus regnat.



EPISTOLA

regnat. Omni ergo studio & cō-  
 tentione hanc sapiētiam, drach-  
 mam & margaritam conqui-  
 rere, & ad regnum hoc anhelare  
 nos par est perfectionis: ad hanc  
 nullo nō Euangelij Redemptor  
 loco, passim suis in scriptis Apo-  
 stoli, ac reliqui Ecclesiastici scri-  
 ptores ac Patres nos adhortan-  
 tur: hinc tot eiusdem propè ex-  
 stitēre præcones & præceptores,  
 quot in Ecclesia videmus aucto-  
 res; ac tot academiæ, in quibus  
 eadem edoceatur, quot vtriuf-  
 que sexus cœnobia. Quid enim  
 in his aliud edocetur, quàm per-  
 fectio? quid hæc dicas aliud,  
 quàm vera virtutis seminaria,  
 humilitatis academiã, & om-  
 nigenæ charitatis palæstram? In  
 his



DEDICATORIA.

his enim qui rudes & impoliti è  
sæculi prodière silua, Spiritus  
sancti dolabra leuigati, in veros  
perfectos efformantur. Nôrunt  
id quotquot ab eodem afflatu  
Spiritu, turbulentis sæculi pro-  
cellis sese subducentes, in quie-  
tum religiosæ trāquillitatis por-  
tum sese recipiunt. Nôrunt id  
omnes illi, quibus Reu. Domi-  
natio vestra paternę prouiden-  
tiæ præest nutu, & quos in Chri-  
sti tirocinio eruditos, tum domi  
habet religiosæ obseruantię cul-  
tores, tum domestica in vmbra  
excultos, in aciem aduersus capi-  
tales salutis humanæ hostes di-  
micaturos produxit, de quorum  
pietate, religione, sinceritate, vi-  
gilantia, satius arbitror nihil di-  
cere,



## EPISTOLA

cere, quam duntaxat pauca dicendo ipsorum talem dignitatē imminuere. Quibus tamen domestica, tum Reu V. tum collegarum aliorum non desint exempla, quæ longè quàm lecta mouent potentiùs; vtpote ob oculos obseruantra: illa ipsa tamen quæ Iacobus Alvarez de Paz Toletanus, è Societate Iesu, iam inde vsq; ab vltimo occidentis solis orbe depromit perfectionis præcepta, aliquam ipsis arbitrator posse vtilitatem afferre. In his enim quidquid ad eam spectat, magno copiosè admodum ipse volumine pertractauit, varias eiusdem conquirendo vias suggessit, plurima ad eandem adminicula, multiplices eiusdē  
con-



DEDICATORIA.

conseruandæ rationes, sed cùm longior eius de eadē re tractatus diffusiorque afferre nau seam legenti queat, nec sæpe omnia minutim euoluere temporis sinat angustia, consultò mihi fecisse Reu. D. Ioannes à Gorcum Presbyter, Syluæducensis, vir sincerus & candore ipso spectabilis, vitæque integerrimæ, visus est, qui hæc ipsa productiora concepta in breue quoddam rededit compendium; quo Lectorum commoditati consuleret, & fastidium tolleret, quod parere diffusiora scripta solent. Hoc ipsum Reu. Dominationi V. quoniam iam ad meas post viri probi obitum deuenit manus, typis

pis



EPISTOLA

pis euulgatum in gratam insi-  
 gnium à D. V. & Tuis acceptorū  
 beneficiorū memoriam, visum  
 est deferre; non quod sperem  
 hoc tantillo me amplissimis in  
 immerentem collatis benefa-  
 ctis munusculo posse satisfacere,  
 sed quod in magnis etiam  
 vel tenuissimis laudari cona-  
 tus soleat, & summa præstitu-  
 ri, à paruis ducere initium con-  
 sueuerint, & in iisdem tantisper  
 hærere, quoad maiorum sese of-  
 ferat offerendorum occasio. Ma-  
 gnum autem id esse donarium  
 arbitraberis, si donantis ad ani-  
 mum munusculum fueris di-  
 mensus, quo cogitari fane aut  
 dari maiorem posse haud facile  
 credi-



DEDICATORIA.

crediderim. Antuerpiæ. IX. Ka-  
lend. Aprilis Anno partæ salu-  
tis. M. DC. XX.

*Rev. Dominationis Vestra*

*Seruus.*

**HIERONYMVS VERDVSSIVS,**



